

祥符縣志卷之十一

學校志

聖廟 書院 義學附

國家尊古右文令天下郡縣各立學校薄海內外靡不同風禮讓所蒸靡有頑豔况祥邑為豫州首善之區淳化所甄有不家絃誦而戶詩書者乎河洛之學肇承魯鄒雖陽儀封優入聖域祥符接壤聯畛豈讓他人前驅胡篋秉器玉瓚依班舊舊士子志伊學顏竊有厚望焉舊志學校不立專門僅附禮樂志非尊聖之義茲援宋崇甯學校新法志例

祥符縣志

卷十一

學校 聖廟

述學校志

聖廟

案文廟大成殿五間東廡五間西廡五間戟門三間東名宦祠五間西鄉賢祠五間櫺星門一座外泮池一屏垣一東西禮門義路各一門官廳三間崇聖祠三間門屋三間在大成殿後

學官署大門三間二門三間東西齋各五間明倫堂五間捲棚三間

文廟祀位 謹遵

皇朝禮部則例按年序次

大成殿正位

至聖先師孔子

東配

復聖顏子

漢永平十五年祀七十二弟子顏子位第一魏晉祀孔子均以顏子配唐貞觀二年以孔子為先聖顏子配饗

述聖子思子

宋大觀二年從祀端平三年升列哲位咸淳三年配饗

西配

宗聖曾子

唐開元八年從祀宋咸淳三年配饗

亞聖孟子

宋元豐七年配饗

以上配位宋以前皆稱封爵元至順元年贈顏子

祥符縣志

卷十一

學校 聖廟

堯國復聖公會子郈國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子

國朝因之

東哲

先賢閔子

唐開元八年從祀

先賢冉子

唐開元八年從祀

先賢端木子

唐開元八年從祀

先賢仲子

唐開元八年從祀

先賢卜子

唐貞觀二十一年以經師從祀開元八年以十哲從祀

先賢有子

唐開元八年從祀 國朝乾隆三年升列哲位

西哲

先賢冉子

唐開元八年從祀

先賢宰子

唐開元八年從祀

先賢冉子

唐開元八年從祀

先賢言子

唐開元八年從祀

先賢顓孫子

唐開元八年從祀 宋咸淳三年升列哲位

先賢朱子

宋建炎四年生 慶元六年卒 年七十一 淳祐元年從祀 國朝康熙五十一年

升列哲位

以上哲位宋以前皆稱封爵明嘉靖九年改稱先

祥符縣志

卷十

學校 聖廟

三

賢某子

國朝因之有子朱子升列哲位從一例

東廡先賢

先賢公孫僑

左傳魯襄公八年始見昭公八年卒 國朝咸豐七年從祀原西廡謹移

東廡

先賢林放

唐開元二十七年從祀明嘉靖九年改祀於鄉 國朝雍正二年復祀原西廡

謹移 東廡

先賢原憲

唐開元二十七年從祀

先賢南宮适

唐開元二十七年從祀

先賢商瞿

唐開元二十七年從祀

先賢漆雕開 唐開元二十七年從祀

先賢司馬耕 唐開元二十七年從祀

先賢梁鱸 唐開元二十七年從祀

先賢冉孺 唐開元二十七年從祀

先賢伯虔 唐開元二十七年從祀

先賢冉季 唐開元二十七年從祀

先賢漆雕徒父 唐開元二十七年從祀

先賢漆雕哆 唐開元二十七年從祀

先賢公西赤 唐開元二十七年從祀

先賢任不齊 唐開元二十七年從祀

祥符縣志

卷十一

學校 聖廟

先賢公良孺 唐開元二十七年從祀

先賢公肩定 唐開元二十七年從祀

先賢鄒單 唐開元二十七年從祀

先賢罕父黑 唐開元二十七年從祀

先賢榮旂 唐開元二十七年從祀

先賢左人郢 唐開元二十七年從祀

先賢鄭國 唐開元二十七年從祀

先賢原亢 唐開元二十七年從祀

先賢廉潔 唐開元二十七年從祀

先賢叔仲會 唐開元二十七年從祀

先賢公西輿如 唐開元二十七年從祀

先賢邽巽 唐開元二十年從祀

先賢陳亢 唐開元二十年從祀

先賢琴張 唐開元二十年從祀

先賢步叔乘 唐開元二十年從祀

先賢秦非 唐開元二十年從祀

先賢顏噲 唐開元二十年從祀

先賢顏何 唐開元二十七年從祀明嘉靖九年罷國朝雍正二年復祀

先賢縣亶 國朝雍正二年從祀

先賢牧皮 國朝雍正二年從祀原西廡謹移東廡

祥符縣志

卷十

學校

五

先賢樂正克 國朝雍正二年從祀

先賢萬章 國朝雍正二年從祀

先賢周敦頤 宋天禧元年生熙寧六年卒

先賢程顥 宋明道元年生元豐八年卒

先賢邵雍 宋大中祥符四年生熙寧十年卒

西廡先賢

先賢蘧瑗 左傳魯襄公十四年始見卒年無考史記定公十四年孔子猶主蘧伯玉家其

卒後於公孫僑蓋三十餘年唐開元二十七年從祀明嘉靖九年改祀於鄉

國朝雍正二年從祀原東廡謹移西廡

先賢澹臺滅明 唐開元二十七年從祀原東廡謹移西廡

先賢宓不齊 唐開元二十七年從祀

先賢公冶長 唐開元二十七年從祀

先賢公皙哀 唐開元二十七年從祀

先賢高柴 唐開元二十七年從祀

先賢樊須 唐開元二十七年從祀

先賢商澤 唐開元二十七年從祀

先賢巫馬施 唐開元二十七年從祀

先賢顏幸 唐開元二十七年從祀

先賢曹邴 唐開元二十七年從祀

先賢公孫龍 唐開元二十七年從祀

祥符縣志

卷十一

聖廟

六

先賢秦商 唐開元二十七年從祀

先賢顏高 唐開元二十七年從祀

先賢壤駟赤 唐開元二十七年從祀

先賢石作蜀 唐開元二十七年從祀

先賢公夏首 唐開元二十七年從祀

先賢后處 唐開元二十七年從祀

先賢奚容蒧 唐開元二十七年從祀

先賢顏祖 唐開元二十七年從祀

先賢句井疆 唐開元二十七年從祀

先賢秦祖 唐開元二十七年從祀

先賢縣成 唐開元二十七年從祀

先賢公祖句茲 唐開元二十七年從祀

先賢燕伋 唐開元二十七年從祀

先賢樂欬 唐開元二十七年從祀

先賢狄黑 唐開元二十七年從祀

先賢孔忠 唐開元二十七年從祀

先賢公西蔵 唐開元二十七年從祀

先賢顔之僕 唐開元二十七年從祀

先賢施之常 唐開元二十七年從祀

先賢申棖 唐開元二十七年從祀

祥符縣志

卷十一 學校 聖廟

先賢左邱明 唐貞觀二十一年以經師從祀

先賢秦冉 唐開元二十七年從祀 國朝雍正二年復祀

先賢公明儀 國朝咸豐三年從祀 原東廡謹移西廡

先賢公都子 國朝雍正二年從祀

先賢公孫丑 國朝雍正二年從祀

先賢張載 宋天禧四年生 熙寧十年卒 年五十八 淳祐元年從祀

先賢程頤 宋明道二年生 大觀元年卒 年七十五 淳祐元年從祀

以上先賢位宋以前從祀者皆稱封爵明嘉靖九年

年改稱先賢某子周張程邵五子嘉靖時稱先儒

崇禎十五年改稱先賢位在七十子之下漢唐諸

儒之上

國朝俱稱先賢不稱子

東廡先儒

先儒公羊高子夏弟子唐貞觀二十一年從祀

先儒伏勝秦博士唐貞觀二十一年從祀

先儒毛亨年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年太平御覽引毛詩正義云荀卿授漢人魯國毛亨則是秦漢間人國朝同治二年從祀

先儒孔安國漢武帝時為博士侍中唐貞觀二十一年從祀原西廡謹移東廡

先儒后蒼漢宣帝時為博士明嘉靖九年從祀

先儒許慎國朝光緒二年從祀

先儒鄭康成漢永建二年生建安五年卒年七十四唐貞觀二十一年從祀明嘉靖九年改祀於鄉國朝雍正二年復祀原西廡謹移東廡

祥符縣志 卷十 聖廟

先儒范甯晉咸康五年生隆安五年卒年六十三唐貞觀二十一年從祀明嘉靖九年改祀於鄉國朝雍正二年復祀原西廡謹移東廡

先儒陸贄唐天寶十三年生永貞元年卒年五十二國朝道光六年從祀

先儒范仲淹宋端拱二年生皇祐四年卒年六十四國朝康熙五十四年從祀

先儒歐陽修宋景德四年生熙寧五年卒年六十六明嘉靖九年從祀

先儒司馬光宋天禧三年生元祐元年卒年六十八咸淳三年從祀原西廡謹移東廡

先儒謝良佐宋元豐八年進士生卒年無考與楊時同稱程門四先生國朝道光二年

國朝道

光

二

年

十九年
從祀

先儒羅從彥

宋熙寧五年生紹興五年卒年六十四明萬曆四十二年從祀

先儒李綱

宋元豐六年生紹興十年卒年五十八國朝咸豐元年從祀原西廡謹移東廡

先儒張栻

宋紹興三年生淳熙七年卒年四十八景定二年從祀原西廡謹移東廡

先儒陸九淵

宋紹興九年生紹熙三年卒年五十四明嘉靖九年從祀原西廡謹移東廡

先儒陳淳

宋紹興二十三年生嘉定十年卒年六十五國朝雍正二年從祀

先儒真德秀

宋淳熙五年生端平二年卒年五十八明正統二年從祀原西廡謹移東廡

祥符縣志

卷上 學校 聖廟

九

先儒何基

宋淳熙十五年生咸淳四年卒年八十一國朝雍正二年從祀原西廡謹移

東廡

先儒文天祥

宋端平三年五月二日生元至元十九年卒年四十七國朝道光二十

三年從祀原西廡謹移東廡

先儒趙復

生卒年無考以宋端平二年至北庭當列元儒之首國朝雍正二年從祀

先儒金履祥

宋紹定五年生元大德七年卒年七十二國朝雍正二十從祀原西廡

謹移東廡

先儒陳澔

宋景定二年生元至正元年卒年八十一國朝雍正二年從祀原西廡謹移

東廡

先儒方孝孺

元至正十七年生明建文四年卒年四十六國朝同治二年從祀

先儒薛瑄 明洪武二十二年生天順八年卒年七十六隆慶五年從祀原西廡謹移東廡

先儒胡居仁 明宣德九年生成化二十年卒年五十一萬曆十二年從祀

先儒羅欽順 明成化元年生嘉靖二十六年卒年八十三國朝雍正二年從祀

先儒呂相 明成化十五年生嘉靖二十一年卒年六十四國朝同治二年從祀原西廡

謹移東廡

先儒劉宗周 明萬曆六年生國朝順治二年卒年六十八道光二年從祀原西廡

謹移東廡

先儒孫奇逢 明萬曆十二年生國朝康熙十四年卒年九十二道光八年從祀原西廡

謹移東廡

先儒張履祥 國朝同治十年從祀

祥符縣志

卷十 學校 聖廟

十

先儒陸隴其 明崇禎三年生國朝康熙三十一年卒年六十三雍正二年從祀原西廡

謹移東廡

先儒張伯行 國朝光緒四年從祀

西廡先儒

先儒穀梁赤 子夏弟子唐貞觀二十一年從祀

先儒高堂生 秦末漢初人唐貞觀二十一年從祀

先儒董仲舒 漢武帝初年對策為江都相元至順元年從祀原西廡謹移東廡

先儒劉德 國朝光緒三年從祀

先儒毛萇 漢河間獻王博士當武帝時唐貞觀二十一年從祀

先儒杜子春 漢永平初年九年從祀原東廡謹移西廡

先儒諸葛亮 漢光緒四年生建興十二年卒年五十四 國朝雍正二年從祀原東廡

先儒王通 陳至德二年生隋義甯二年卒年三十一 國朝嘉靖九年從祀原東廡

先儒韓愈 唐大曆三年生長慶三年卒年五十七 宋元豐七年從祀

先儒胡瑗 宋淳化四年生嘉祐四年卒年六十七 明嘉靖九年從祀

先儒楊時 宋皇祐五年生紹興五年卒年八十三 明宏治八年從祀原東廡謹移西廡

先儒游酢 國朝光緒十九年從祀

祥符縣志

卷十一 學校 聖廟

十一

先儒尹焞 宋熙寧四年生紹興十二年卒年七十二 國朝雍正二年從祀

先儒胡安國 宋熙寧七年生紹興八年卒年六十五 明正統二年從祀

先儒李侗 宋元祐八年生隆興元年卒年七十一 明萬曆四十二年從祀原東廡謹移西廡

先儒呂祖謙 宋紹興七年生淳熙八年卒年四十五 景定二年從祀原東廡謹移西廡

先儒袁燮 國朝同治七年從祀

先儒黃幹 宋紹興二十二年生嘉定十四年卒年七十 國朝雍正二年從祀

先儒輔廣 國朝光緒五年從祀

先儒蔡沈 宋乾道三年生紹定三年卒年六十四 明正統二年從祀原東廡謹移西廡

先儒魏了翁 宋淳熙五年生嘉熙元年卒年六十二 國朝雍正二年從祀原東廡謹移西廡

先儒王柏 宋慶元三年生成淳十年卒年七十八
國朝雍正二年從祀原東廡謹移西廡

先儒陸秀夫 宋端平三年六月八日生祥興二年
即元至元十六年卒年四十四國朝咸豐九年從祀

先儒許衡 宋嘉定二年生元至元十八年卒年七十三
皇慶二年從祀

先儒吳澄 宋淳祐九年生元統元年卒年八十五
明正統八年從祀嘉靖九年罷國朝乾隆二年復祀

先儒許謙 元至元七年生後至元三年卒年六十八
國朝雍正二年從祀原東廡謹移西廡

祥符縣志 卷一 學校 三

先儒曹端 明洪武九年生宣德九年卒年五十九
國朝咸豐十年從祀原東廡謹移西廡

先儒陳獻章 明宣德三年生宏治十三年卒年七十三
萬曆十二年從祀

先儒蔡清 明景泰四年生正德二年卒年十六
國朝雍正二年從祀

先儒王守仁 明成化八年生嘉靖七年卒年五十七
萬曆十二年從祀原東廡謹移西廡

先儒呂坤 明嘉靖十五年生萬曆四十六年卒年八十三
國朝道光六年從祀

先儒黃道周 明萬曆十三年生道光五年從祀原東廡
卒年六十二道光五年從祀原東廡謹移西廡

先儒陸世儀

國朝光緒元年從祀

先儒湯斌 明天啟七年生 國朝康熙二十六年卒 年六十一 道光三年從祀原東廡 謹

移西廡

以上先儒位明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

祥符縣志

卷十一 學校 聖廟

十三

啓聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮 國朝咸豐七年配饗

先賢顏氏 名無繇 唐開元二十七年從祀 明嘉靖九年配饗

先賢孔氏 名鯉 宋咸清三年從祀 明嘉靖九年配饗

西配

先賢曾氏

名皙唐開元二十七年從祀明嘉靖九年配饗

先賢孟孫氏

名激明嘉靖九年配饗

東廡先儒

先儒周氏

名輔成年無考明萬曆二十三年從祀

先儒程氏

名珦宋景德三年生元祐五年卒年八十五明嘉靖九年從祀

先儒蔡氏

名元定宋紹興五年生慶元四年卒年六十四明嘉靖九年從祀

西廡先儒

先儒張氏

名廸年無考國朝雍正三年從祀

先儒朱氏

名松宋紹聖四年生紹興十三年卒年四十七明嘉靖九年從祀

詳符縣志

卷十一

學校 聖廟

十四

以上先賢先儒位明嘉靖時稱先賢某氏先儒某氏

國朝因之

謹錄頒行部文

禮部謹

奏為遵

旨謹將

文廟祀典次序繕單繪圖恭呈

御覽並聲明定例以示限制仰祈

聖鑒事本年四月二十二日內閣抄出十八日奉

上諭給事中王憲成片奏各直省府廳州縣兩廡先賢

先儒位次每多凌躐並有奉旨准從祀者神牌尙未
敬製入廟等語著禮部將祀典次序繪圖頒發各直
省督撫學政轉飭府廳州縣等官遵照辦理其神牌
未經製造入廟者迅卽製造供奉等因欽此仰見

皇上右文稽古廣勵學宮之至意當於議覆方孝孺從

祀摺內聲明由臣等詳細查覈另行具奏奉

旨依議欽此臣等伏查自唐至宋從祀諸賢並列殿上

至政和新儀成始分列東西廡朱子語類云七十

二人先是排東廡三十六人了卻方自西頭排起

當初如此自升會子於殿上下面趨一位次序都

肅符縣志

卷十

學校
聖廟

十五

亂了蓋宋時已有此失明宣德三年以萬縣訓導
李鐸請命禮部考正從祀先賢名位頒示天下

國朝雍正二年

世宗憲皇帝特命九卿等詳議增祀復祀諸賢儒並通行
直省悉依國子監序列乾隆十八年

高宗純皇帝復命廷臣考據史傳於先賢先儒分列之中
按年序次載在乾隆年間

欽定會典通禮諸書釐然秩然一無少紊自道光三年以
來增祀者不少臣部隨時酌擬位次未便以增祀

一人使諸位移易但就祀位之多寡年代之先後

酌擬增入故就一廡而論尙無凌躐而合兩廡而論不免參差積之既久自不能不一爲釐正臣等謹遵乾隆十八年之例考據史傳并先儒文集按年序次繕單繪圖恭呈

御覽以後如續有增祀者仍遵歷年成案各就東西廡祀位多寡按次增入如蒙

俞允臣部卽刊刻頒發通行各直省督撫學政轉飭各府廳州縣等官謹遵辦理其神牌未經製造入廟者於文到日迅卽按圖製造供奉以崇祀典而闡幽光抑臣等更有請者竊思祀饗

詳符縣志

卷十一 學校 聖廟

六

廟廷祀典至鉅伏查雍正二年奉

上諭先儒從祀文廟關係學術人心典至重也宜增宜復必詳加考證折衷盡善庶使萬世遵守永無異議等因欽此道光九年奉

上諭先儒升祀學宮祀典至鉅必其人學術精純經綸卓越方可俎豆馨香用昭崇報若僅著述家言闡明心性未有躬行實踐超越等倫列祀鄉賢已足彰褒旌之義豈宜升祀廟廷稍滋冒濫等因欽此咸豐十年閏三月奉

硃批大學士軍機大臣酌定以後從祀章程不可漫無限

制若定例原有專條即不必酌定章程遵例行不准
援案等因欽此大學士軍機大臣等遵議章程嗣後
從祀

文廟應以闡明聖學傳授道統爲斷除著書立說羽翼
經傳真能躬行實踐者准各該省督撫臚列事實
奏請從祀外其餘忠義激烈者入祀昭忠祠言行
端方者入祀鄉賢祠以道事君澤及民庶者入祀
名宦祠概不得濫請從祀

文廟其名臣賢輔已經祀享

歷代帝王廟者亦毋庸再請從祀

祥符縣志

卷十一

學禮
聖廟

七

文廟以示區別並請纂入禮部則例永遠遵行等因具
奏奉

旨依議欽此同治二年御史劉毓楠奏祀新章尙未允
協請再行覈議奉

上諭先儒升祔學宮久經

列聖論定至爲精當咸豐十年

文宗顯皇帝飭令酌定章程以示限制原以宮牆巍峻祀
典至崇必其學術精純足爲師表者方可俎豆馨香
用昭勿替茲據該御史以新定章程過嚴如朱儒黃
震等均經禮部議駁謂士人皆以聖賢爲難幾必至

人心風俗日流於奇袤異端而不及覺推該御史之意必將舉古人之聚徒講學著有性理等書者悉登之兩廡之列方足以資興起而德行之儒平日躬行實踐師法聖賢實爲身後從祀之計議論殊屬迂謬所奏著無庸議欽此 臣等詳釋

列聖諭旨暨

皇上諭旨皆以祀典至重不可稍有冒濫溯查

文廟從祀唐貞觀時止有二十二經師開元時始祀孔子弟子沿及宋代僅增周程張朱邵六子及韓愈司馬光張栻呂祖謙四人而已明嘉靖時所定先賢凡六十二人先儒止二十九人後又增祀六人我

祥符縣志

卷上

學校 聖廟

十六

世宗憲皇帝釐定祀典增祀二十八復祀六人乾隆年間止復祀吳澄一人自道光二年至今又增祀十七人凡傳經傳道與夫經綸卓越之儒已爲大備近給事中王憲成請以明儒方孝孺從祀 臣等以孝孺開有明一代氣節之先並爲有明一代理學之冠是以擬准奉

諭旨俞允在案特恐各省官紳未能深悉歷次所奉諭旨紛紛陳請從祀殊非慎重之道應請

飭下各直省督撫學政恪遵咸豐十年定章不得濫請
從祀

文廟並不准援案如爲

文廟中必應從祀之先賢先儒方准該督撫會同該學
政詳加考覈奏明請

旨並將其人生平著述事蹟送部查覈其

欽定書籍中引用若干條論贊若干條先儒書籍中引用

若干條論贊若干條一併詳細造冊送部京堂科
道陳請從祀者亦應照此辦理不得僅據空言率
行陳請均請

祥符縣志

卷十

學校
聖廟

十九

飭下大學士九卿國子監會同臣部詳議具奏請

旨定奪庶足以昭

宮牆巍峻益隆

尊聖崇儒之道除繕單繪圖恭呈

御覽外並聲明定例以示限制所有臣等議奏緣由是

否有當伏乞

皇太后

皇上聖鑒

訓示遵行謹

奏於同治二年六月二十五日奏奉

口依議欽此

附載歷代創建重修年月

唐

唐制浚儀開封二縣立經學博士助教各一人

宋

宋建都立國子學大學武學律學算學無祥符縣學

金

金制以開封府教授兼之

元

元立汴梁路學後學宮沒於水

祥符縣志

卷十

學校
創建

二十

明

洪武五年詔縣設學知縣胡聶於新昌坊舊雲老寺
及祥符故縣遺址創建

七年教諭劉恕建明倫堂東西齋

十五年主簿楊本初建廟廡

三十二年圯於河水

永樂四年知縣王春教諭濮斐等重修

宣德十年教諭沈麟重修

時求得鐘樓餘材大為修治規模殊壯

天順六年布政使章繪樹立坊表按察副使王齊創

建講堂教諭陳禎等作櫺星門門內鑿泮池按察副使宋欽作飛樓時并疏路南積潦建石橋一座明劉昌修學碑記云祥符卽古浚儀縣國朝省開封縣入之其學宮創始無考河南左布政使廬陵李禎記是學云宋置都於此旣設國子監則縣無緣更置學今學卽雲老寺故址也洪武五年知縣胡聶創始規制粗備旣而圯於水永樂四年知縣王春始修復之宣德十年教諭沈麟求得鐘樓餘材因大爲理飾又闢道左右表以文林巍乎煥然士民聳觀泊天順五年蓋已二十有六稔腐蠹相

仍比河決郡城遂蕩析無遺矣明年予以按察副使提學旣至則有司已作禮殿講堂廊廡齋舍漸以就緒而未甚宏偉予乃謀於二三寅恭克協惟同今按察副使安成王公齊首爲之作饌堂於是庖湏庫庾悉還舊列左布政四明章公繪復卽左右故道表以興賢育才坊而教諭陳禎等且率士民之好義者作二門其在禮殿之前者曰櫺星門在講堂之側者曰禮門又表其出入所必由曰義路櫺星之南地廣二百步常爲泮渠所經渠雖湮積水如故人頗病涉王公爲作石梁於上稍南臨

通衢又作飛樓適觀兵商洛不果今按察副使關
中宋公欽甫莅任卽詣學周覽咨詢曰我不可不
任厥功曾未幾時竟於成所謂巍乎煥然士民
聳觀者益有加於昔諸生相率請予記夫求道必
以學學必有師孔子萬世之師也人所以靈承向
慕者宜無所不用其心况學宮乎况浚儀爲中州
之首邑乎孔子過儀儀賦封人云天將以夫子爲木
鐸晉地道記曰儀封人見孔子卽此浚儀蓋在當
時其邑人已知靈承向慕如此况我列聖繼作尊
崇孔子檢詳學制諸生之所耳濡而目擊者又生

祥符縣志

卷十一 學校

三

長中州風俗素厚之地惟勤於誦習而務端其本
誠如諸生之靈承向慕而持之堅焉則於道也不
幾矣乎皆應曰諾遂書旨以授之俾刻爲記

弘治四年知縣段鑑重修

嘉靖十年詔建敬一亭上世宗御製敬一箴及註釋
視聽言動心五箴碑於堂之西南隅

三十七年巡撫章煥重修

時移鑿泮池於門外以坊

明章煥修學碑記云水陟禹跡按輿圖知豫爲九
州之中祥符又爲豫州之中祥符雖一邑藩省置

焉內環八郡外絡八州實天下樞也余受命開府
於茲八郡吏民咸來受成布憲發令悉從祥符始
祥符者本中州風化所起也初余與督學大夫定
議明道術育英才欲以風厲中州大夫數言學宮
敝陋規制不稱不足以設教遂與藩臬及郡大夫
往觀之出入堂戶陟降廟庭正路榛蕪棟折椽傾
無以昭法象奉神靈低回嘆息久之時方財用絀
民力竭不欲煩有司乃躬爲調度其事以二月之
吉卽工凡四旬而工畢辨方正位備物備象首廟
廡次堂齋左爲啟聖之祠右爲敬一之亭阿閣三

祥符縣志

卷十一

學校
創建

三

重崇效天也鑿泮及泉卑法地也雙亭璧合二隴
拱也周廬珠連列宿躔也神宮嚴闕法宇靚深肅
然知聖道之尊崇炳焉觀聖訓之昭明曠兮若發
矇皦焉若披雲萬象昭回五色戒文高與嵩嶽並
峻深與洪河同闊中州之士咸忻忻以爲改觀矣
落成之日余與諸大夫告成於廟及設爵於明倫
之堂而享之賓筵旣設禮器具舉揖讓旅辟咸中
規矩圍橋門而觀聽者以萬數余使人鳴鐸者三
告諸生日小子聽之是儀封人所見於夫子者也
夫祥符古浚儀之境也夫子廟祀於斯二三子觀

其形容久矣道之不明意者鐸音之未揚乎吾爲
子振之又進祥符令告之曰昔者夫子爲中都宰
而路不拾遺器不雕僞男女別途四方之諸侯則
之中州宰亦猶是也夫子之道具載方策吾爲子
舉之有聞揖諸大夫曰昔者孔子作春秋尊中國
中國帝王所自立詩書禮樂之區也今祥符中國
之中而禮讓未行教化未成詩書之澤斬焉無聞
廟見夫子厥有媿心諸大夫何以助之夫祥符非
獨令治也其學非獨二三子也余與諸大夫有帥
先之責焉道不立則士不興學宮傳舍也官師弁

祥符縣志

卷十

學校
創建

三

鬻也俎豆虛位也鐘鼓琴瑟虛器也其何有於二
三子夫教不行於祥符何以令八郡况八州乎勉
之毋令四方之諸侯失其準也諸大夫離席起曰
然以示祥符令令以詔諸生趨進拾級以升曰唯
唯敬聞先生之命矣今而後知祥符之學也

萬曆八年知縣李天麟重修

三十七年知縣王鶴齡重修大成殿五楹東西廡各
十楹戟門櫺星門各三楹啟聖祠三楹大門三楹
明倫堂三楹講堂三楹進德修業二齋各五楹學
署號舍共四十八楹尊經閣三楹射圃亭三楹

三十九年提學副使葉秉敬知府王之都知縣王鶴齡同建奎光樓

崇貞十五年悉沒於水

皇清

順治十一年知縣孫如林改建新縣治西

康熙二年署知縣張俊哲重修

劉昌修學碑記云吾汴邑庠舊在城之西偏宏殿壯麗與郡庠相為伯仲傳沿已數百年明末壬午河伯為災省會人物盡付東流而學宮已沈埋於泥沙中一瓦一木無有存者

祥符縣志

卷十一 學校 創建

三

大清定鼎之初吾汴汚瀦如故三四年後又變為蒿萊邑大夫駐節河朔士民旋故里者如星晨寥落

先師釋奠之地未遑過而問焉至癸巳歲邑侯樂州孫

公始由埽頭移節城內時人物亦稍阜蕃矣舍故圖新卜吉於縣治之西建立 文廟即今學宮是

也殿堂門廡粗畧完備越今又歷年所矣風雨漂擺鴟鼠巢穴顛仆日甚而且以為行人之郵舍而

且以供胥役之庖厨蹂躪蕪穢觀者不禁太息教諭韓君每每與諸生議之恨力所未能不克舉行

今歲孟春別駕張公攝篆縣事謁見守糧道王公

諄諄然命之云

先師俎豆之區狼籍如此何以興賢育材佐

天子右文之治汝署斯邑亦其責也張公慨然曰予雖五日京兆命不敢辭爰進諸生議修葺衆咸稱善鳩工度材諏日舉事棟梁榱桷之朽蠹者易之簷牙瓴甌之頽圯者整之丹漆黝堊金碧之漫漶者澤之繪之凡疾風苦雨之所穿漏遊塵飛埃之所垢蒙者一切補葺而糞除之故戟門二扉易以六扉四配十哲各設龕兩廡建柵立七十二賢木主大成殿至櫺星門悉砌甬道堂側築庖湏以供諸

祥符縣志

卷十一

學校
創建

三

予矜講藝之餐工肇於春仲竣於夏孟公雖簿書旁年每日必省閱再三時教諭韓君諱璞者公車北上而朝夕督課則府學司訓張君諱鐸及茂才周子繼茂張子好德王子多之功居多焉至土木工役之費悉出公俸金爲之一錢不糜公帑因請予言勒諸貞珉以誌公之德不朽予謂公治吾邑清靜不擾而寬厚長者有古卓茂風茲舉則又文翁化蜀之遺也不敢以不敏辭爰述顛末以詔將來用比於甘棠之義云爾公諱俊哲號樂菴隴西之涼州人

六年知縣聶琰改建縣治東南

二十四年提學道蔣伊捐修明倫堂東西齋房

三十二年提學道張潤民捐修墻垣牌坊

乾隆二年知縣張淑載捐修大成殿五楹東西廡各五楹戟門櫺星門各三楹外賢關聖域坊二座忠義孝弟祠各三楹大門儀門各三楹明倫堂五楹東西齋房各五楹

張淑載修學碑記云祥邑學宮屢遷而屢葺由來邈矣稽諸往牒前明洪武間改雲老寺爲之後汨於水其改建於今之東南隅者始於國朝康熙

祥符縣志

卷十一

學校
創建

三

六年邑令聶公之相度也噫善矣東南於卦位爲

巽巽主文章甲科蓋離屬南方有文明之象而形

冢以巽當之者木能生火也是以趙宋置都於此

其國學亦舊在東南隅一時太學三舍人材最盛

矧我朝文治光昭上躋唐虞而中州省會首邑

乃繡壤領袖顧聽其傾圮而弗易與余於乾隆元

年調任茲邑目擊門垣堂構之荒殘也學師之署

委諸草莽也心慄然不安計其土木之值約白金

三百五十兩有奇卽欲席去俸錢又苦不給迨蒞

任二載庫有積貲可支乃請於撫憲尹公藩憲范

公臬憲隋公道憲黃公胡公府憲張公俱命郊議
襄事遂於三年二月朔集僚屬紳士庀材鳩工趨
事弗懈至三月望後工已落成一時禮殿講堂庫
廚庖廡以及學師公署無不易圮就整觀瞻赫壯
余既率邑人瞻禮拜畢而重有感也因告邑人曰
昔者孟子遊梁首闡仁義而闢功利實在斯地又
祥符卽古浚儀縣晉地道記云儀封人請見孔子
卽此浚儀也於戲盛哉孔子之金聲玉振孟子之
仁育義正胥萃靈於此遂開伊洛淵源中原文獻
綿綿翼翼薪傳勿替學者循是而之焉仁義正途

而外勿以功利龐雜其間則木鐸之振聾啟聵甯
越於此巽之所謂申命行事是也斯則文物聲明
之太滿趙宋太學人材又不足專美矣若夫重葺
告竣此實上官之教諸君子之力余何功之有焉
邑人以爲然請壽諸貞珉余遂敷言之如此董其
事者爲儒學教諭李君琰訓導翟君琨縣尉施君
澤溥邑紳丁酉科舉人原任山東德平縣知縣袁
君舜裔丁巳科進士杜君震鐸鄉飲大賓毛或僎
賓呂際周介賓袁武安常懷仁鄉耆王琰等例得
書

道光十一年知縣鄒鳴鶴重修

光緒九年巡撫李鶴年復修

鄒鳴鶴修學碑記云學之建自上古其天下府州縣皆立學則自宋慶厯四年始杜韓范富諸公同時柄用天子開天章閣詔言事建學其一端也是時海內士大夫之學皆務正而近乎古以是庠序之興爲汲汲而祥符之爲縣實隸開封開封乃京府領赤縣二曰開封曰祥符祥符之名肇稱真宗封天書之二年其後開封邑廢而祥符獨名實總省會鳴鶴初任邑事首謁

祥符縣志

卷十一

學校
創建

三

至聖廟下見其地勢卑窪祠宇湫隘椽桷凋朽弗尊弗虔又無彝倫堂以及諸生講業之所私心蹙然旣踰載乃與郡伯存公及邑之賢士大夫謀咸以爲亟首工於道光十一年季秋暨明年夏首始畢鳴鶴改官河工未及竣事實捐廉以助其成邑人士咸來乞言鳴鶴固陋不足以知學而斯事本末不可無所記載於是乃進邑人士而告之曰孔子之學大明於宋而宋之儒者昌明孔子之道以二程子爲稱首是時祥符之地實爲京都四方君子固皆彬彬焉書業於斯而二程子之近在畿甸者慮

無不在焉

聖朝崇獎正學其於孔子及二程子固已尊隆極其量
近者甯陵呂子睢州湯子又新奉

詔書恭列從祀中州人士宜何如興起而感發而况祥
符爲首教之地諸大吏復皆以躬行身化爲本如
鳴鶴之不敏亦幸得奉教以兢兢自今以往斯邑
人士其益篤行博文克勤修治庶幾無貽斯學羞
昔者宋建學之初盱人李觀實記袁學其篇末進
諸生以毋徒弄筆墨徼利祿必歸本於說禮樂而
矢忠孝若是者雖鳴鶴之不肖亦竊援斯義爲都

祥符縣志

卷十一

學校
創建

三

人士正告焉是役也重建彝倫堂東西齋房改建
者崇聖祠大成殿東西兩廡齋宿所櫺星門及左
右門樓增建者名宦鄉賢二祠濬泮池庀垣圍築
甬道規制皆踰於舊凡費錢一萬一千緡監工則
祥符縣丞鄭君鑑閩鄉縣丞瞿君琪董事則附貢
申君儒拔貢常君茂徠廩生萬君金鏞崔君含輝
候選教諭宋君佩經其土木價值之數列諸碑陰

再褒崇列左

至聖先師孔子贊并序

康熙三十三年

蓋自三才建而天地不居其功一中傳而聖人代宣

其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勳業炳于一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖

人參之人極以立行著習察舍道莫由維皇建極維后綏猷作君作師垂統萬古曰惟堯舜禹湯文武五百餘歲至聖挺生聲金振玉積厥大成序詩刪書定禮正樂旣窮象繫亦嚴筆削上紹往緒下示來型道不終晦秩然大經百家紛紛殊途異趣日月無踰羹墻可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷庭除式觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道惟寶秦

山巖巖東海泱泱宮墻萬仞夫子之堂孰窺其藩孰窺其徑道不遠人克念作聖

復聖顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

宗聖曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒備明訓辭

祥符縣志

卷十一

學校贊

三

述聖子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

亞聖孟子贊

哲人旣萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

書院附

大梁書院

明

天順五年提學副使劉昌勗建大梁書院在縣城南薰門內蔡河北岸又名麗澤書院

成化二十年巡撫李衍改書院爲巡按治所徙書院於麗景門外東南距城二里在繁臺之東并祀先賢於講堂祀宋程顥程頤

明李夢陽祀田碑記云大梁書院田成或問書院有田乎李子曰有哉趙宋之肇也睢陽石鼓嶽麓白鹿四者其巨矣然必田焉祭也以達乎養何也聚人之所必廟其所師廟必有祭祭非田何出矣

祥符縣志

卷十

學校
書院

三

聚而不養則散制散成聚莫先乎財易曰何以聚人曰財故田者財以之生養以之成者也曰田若是急乎李子曰閭之先王天地非養無以物聖人非養無以治士非養無以成身故養者天以之生地以之行人以之成是故二氣推盪風霆流形消息往來各足其精天地之養也則明因利嘉穀時成制恒備好壽康安平聖人之養也審今酌古仁緯義經厚積廣施性堅德明士之自養也是故先王之待士與民異田作代耕何也不如是無以專志而業精也故上羣之庠序別其冠衣程其餽廩

端其術業凡以異民也後世則又選勝而區稔拔其良聚焉於是有積書之院祭養之田又以異士而考成也曰竊聞之孔子云學也祿在其中矣敢問士易聚而難成何也曰聚非其聚也予嘗躡大梁之臺造院謁祠登堂涉閣矣叢篁茂林長廊委翳烏鳴狸走問曰士奚不聚也曰無田曰祭乎曰祭有司辦之今田矣士仍不聚也問之曰無倡之爾故曰聚非其聚也曰知難聚而必田之何也曰善身者不以一噎而捐食善田者不以一歉而棄穡故甯田而難聚聚而難成而不可使天下無養

祥符縣志

卷十一

學校書院

三

士之稱於乎識斯義者可與成亶亶言變通與詩曰視民不佻君子是則是儆茲之謂也是田也都御史內江李公監察御史吉水毛公實倡之而提學副使歷城邊公贊之後都御史道州向公與監察信州汪公大名王公桂林喻公成之是田也東數君子而其勢愈興久而彌貞嗟吾士自是其聚也夫其聚也夫

天啟二年巡撫馮嘉會巡按邱兆麟重修崇禎十五年沒於水

明陳騰鳳重修書院碑記云汴繁臺之陽故有大

築書院祀河南程氏兩先生規制宏備盼望煙沙
林樹雅稱大觀歲月無多祠貌傾圮藩參分守王
公適而愴日先賢遺跡弗崇後學曷瞻斯守土責
也更念四方多壘中州方急征繕鼎新之費或鉅
且調爰檄有司相度計慮徐圖厥成先是浙水文
陸鍾公豫章鏡源涂公嶺南九虞曾公蒞茲各置
學田若干畝公覈得學租若干金計一千二百兩
有奇可無煩公私貲一朝而巍煥頓復矣請於大
中丞馮公侍御邱公二公雅志正學嘉與作人咸
壯其舉於是郡太守方公庀材鳩工而授其丞繆

祥符縣志

卷十一

學校
書院

三五

公賈公綜若事若繚垣坊表門屏石橋若講堂文
會堂二程夫子木主堂若高明樓八角亭碧玉泉
與夫諸生讀書號舍諸仕宦生祠密緻輝煌條告
成事王公因語不佞曰君衡文視學者曷記諸不
佞騰鳳唯唯嘗聞之夫子曰學之不講是吾憂也
虞夏以前道術未分厥名曷立精一危微安止敬
修講明在君臣僚友之間而時雍風動之化洽於
草野可由可知亦明亦行又奚事於昭昭然揭衆
而號爲迨尼山片席匹夫振鐸遂使師道與君權
等重時實爲之非聖人意也吾輩誦法孔氏尙論

其世亦惟是庸德之行不敢不勉其見之用也委
吏乘田必求其當攝相三月魯國大治及門之士
身通六藝者七十二人由求輩亦既小試矣彬彬
從容之選而豈空言無補儒效不見於天下者哉
孔子沒微言絕後二千年兩程先生出而振之孔
子之道乃大著粵稽純公上元扶溝惠稱得民鎮
甯曹封力破常調至十事劄子新法兩疏何等識
力丰猷正公起家秘省稍擢說書經筵諸劄光明
俊偉皆足垂不朽蓋實行所知不第尊所聞矣我
國家紹天闡聖直接虞廷總君師之柄而定一尊

合轍同文稟於學官高皇帝之法度與尼山氏之
刪述相爲表裏治統與道統合而一矣夫聖人開
物成務原與世推移時頗思正則寓道於法法儼
知歸則尋學於教邇來異學朋興羣衷未一格致
誠正鮮不目爲迂談政治兵刑頗覺茫無實事此
同上壁彼亦捉風駸駸乎枝葉之繁而根本之撥
矣正公嘗言當世之務曰寬賦役勸農桑實倉廩
備災害修武備明教化而尤先者有三曰立志責
任求賢純公於民以事至縣必告以孝弟忠信八
事父兄出事長上使力役相助患難相恤而奸僞

無所容嗚呼此千聖真傳卽百王道法也今天下
匡主庇民外攘內謚此數言辦矣顧所以講明紹
述而實期於用者非此羣萃州處之子衿而誰河
洛英靈誕毓不罕誦讀其中音誦從兩先生之本
領以究洙泗之淵源卽本朝持世功令具是矣不
佞騰鳳於是服膺馮公邱公暨王公之教於不衰
其於世道人心關係非渺也馮公名嘉會直隸河
間人萬曆乙未進士邱公名兆麟江西臨川人萬
曆庚戌進士王公名瑊湖廣應城人萬曆癸丑進
士方公名道通直隸欽縣人萬曆甲辰進士繆公
名思啟滇之曲靖人鄉進士賈公名名儼直隸真
定人是役也始於天啟二年之四月凡七閱月告
成事諸與役詳在碑陰而記之者督學使者蒲陽
陳騰鳳也

皇清

康熙十二年巡撫佟鳳彩重建在城內西北隅天波
樓舊址

二十八年巡撫閻興邦重修并祀先賢及名臣於講
堂祀河南先賢及名臣自春秋卜商以下凡一百
十五人

詳見
碑記

祥符縣志

卷十一

學校
書院

三

閣興邦重修書院并崇祀碑記云古者聖王之教
有岸有序有警宗有類宮四時於此釋奠釋菜擇
其國中功德之及民者而祀之所以起化於微渺
者意深遠矣斯禮廢士大夫始爲書院率子弟肄
習焉惟宋爲盛至明幾徧天下或以地名或以人
名若汴之大梁書院則以其地名者也初建於城
南後移之繁臺前迨明末決河灌城墉垣基址蕩
入波臣無由問諸水濱矣

皇清定鼎四十餘年百廢俱修然事事從創非能并力
經營恒需時日以舉行予至豫體

祥符縣志

卷十一

學校
書院

三

聖天子重道崇文之盛典既構遊梁書院還其舊觀卽
新大梁書院無俾失墜咸閱月而告成汎筮仕茲
士者大小畢集爰進而論之曰書院竣矣盍審所
當祀而妥侑焉僉曰曩祀周元公等十賢矣又曰
古聖賢祠祀三皇以至明末諸臣矣又曰近議祀
漢以下一百三十餘人矣惟公擇而行之予曰是
皆未盡善十賢似宜祀也第海內皆祀之矣大梁
安得而專之三皇及禹未可下同於臣若一百三
十餘人生有定居職有守士何容盡祀之大梁哉
夫行一事必顧名思義大梁魏邑也文侯之孫魏

侯瑩所都當文侯之身師卜子夏敬事段干木而式其廬子夏衛人設教於魏之西河密邇大梁故唐贈魏侯宋加魏公推所自也干木爲子夏之高弟宜祀子夏配以干木明梁之卽魏也而能重魏者莫如信陵君枉車騎於大梁市中救趙破秦秦魏之深仇也能報仇者惟張子房博浪一椎祖龍褫魄佐漢所以鋤秦也而滎陽之圍微紀及周漢其楚矣高帝安得過大梁而爲公子置守塚哉宜祀留侯并贈太尉紀公御史大夫周公漢業中衰光武克復舊物從龍之臣率產豫土其發跡大梁

祥符縣志

卷十一

學校
書院

三

者王霸堅鐔傅俊皆繪象雲臺而憂國奉公惟刺姦將軍祭成侯雅歌投壺恂恂若儒生應當與文臣同祀也黨錮之禍李元禮一世龍門含冤北寺漢事不可爲矣其後徐元直寓新野薦武侯於昭烈得延炎漢之脈以元直之才終身不爲操畫一策忠孝克全與元禮同祀不亦宜乎薦武侯者元直而鞠躬盡瘁以扶漢室者武侯也侯之才駕子房而上晉唐以下誰敢步其後塵人知其隱於南陽卧龍岡在焉豈知其先寓於考城哉考城昔屬大梁則武侯者尤亟當議祀矣晉之繼漢也雖取

天下再傳而亂渡江之後祖豫州手翦荆棘黃河以南復爲晉土歿之日士女如喪考妣此安可不祀哉距晉五姓而唐室受命唐猶漢也而再造唐者狄梁公初刺豫州再刺魏州民愛戴之生爲立祠如公者能勿祀耶祿山構逆張中丞蔽遮江淮顏魯公招討河北睢陽之節張公實爲南許諸君倡祀公可例其餘矣矧歸舊隸開封者也至希烈僭號於汴魯公被縊則握拳透爪同於裂齒穿齧不祀何以勸忠唐至光啟寇蹂躪海內大梁無甯宇矣趙氏兩太尉百戰孤城卒全陳土兄弟之功

祥符縣志

卷十一

學校
書院

罕

安可忘也則祀之自是至五代皆都於汴宋厯最久上接漢唐尹開封者多名臣而包孝肅爲稱首雖有專祀不敢遺焉他若范文正歐陽文忠張忠定蘇文忠相繼爲京尹皆包公之流亞並宜祀之者也當其時產於大梁者又有賢宰執如文簡呂獻可焜煌史冊至今稱之而劉器之真鐵漢七謫遠惡地幸歿於汴數年後敵發其塚而貌如生誠異人哉皆宜祀也靖康之際忠義奮起伯紀督戰京城汝霖誓師河上嵇仲率子勤王德祥和卿封疆盡節國有人哉桓桓忠武兵抵朱仙竟害於奸

臣之手祀此諸忠不令人肅然起敬耶自是而大梁屬金矣元之取金攻汴踰歲而忠孝軍總領完顏公獨兩敗之後走汜水明白求死折足割耳噴血而呼此好男子不可不祀也明之取元由汴濟師而河南平章左丞察罕公孤身扶翼崛起沈邱威鎮天下定陝平齊竟殞命於降將之手如潁川王不可不祀也當明之初馮宋國節制兩河駐汴者十有七載恩惠在人其祠已廢今宜祀之考大梁有褒忠祠祀鐵司馬五人而少司寇王公死靖難之師爲祥符人有三王祠祀張氏三人而英國

祥符縣志

卷十一

學校書院

聖

公平安南死土木之難封定興王祀此二公於忠於義允相符矣若先達則軒介甫之品節馬端肅之勲業仕宦則年恭定之綏戢陳恭愍之方嚴何文肅之明惠秦端敏之樹勲周莊肅之清介關副使之罵賊擬於古賢甯少讓哉及乎末造劉文烈一門殉義邢兵憲父子捐生而僉臬李公太僕俞公一則碎骨鈞州一則死綏汴地勁氣英風又何烈也祀之豈有遺議哉曩者大梁有名撫祠亦已淪溺予旣重創之矣如于忠肅公以下及我

皇清吳佟諸公其勲猷垂史冊其廟食在大梁仍祀之

書院非複也禮也合而論之自大賢卜子外得名
賢百十五人或生於斯或仕於斯或寄跡於斯立
德立功與嵩同峻與河同深皆於大梁有光則進
而祀之大梁書院後之繼起者有能與前人比跡
亦從而配食焉以是傳之百世俾登斯堂者仰視
檄題俯對几筵顧名思義縉紳知所則效子弟知
所尊崇以之事君以之立身起於一方及乎八郡
各祀其所當祀以修明釋奠釋菜之禮予方有厚
望焉聽者僉曰善是祀也正而可法嚴而不遺且
適合於大梁而惟以彝倫明教爲天下後世勸雖

祥符縣志

卷十一 學校

三

歷久不祧可也

三十五年巡撫李國亮移建於城西南隅周橋迤西
古汴水經行處

卽今書院基址

五十八年恭懸

聖祖仁皇帝御書兩河文教匾額於講堂又巡撫楊宗義
建湯公祠於書院之左祀

國朝湯斌

雍正八年積水傾圮

十一年總督王士俊布政使刁承祖重修

乾隆二年巡撫尹會一祀河南先賢於講堂

宋程顥程頤邵雍呂希哲尹焞謝良佐張繹劉絢
李籲朱光庭邵伯溫孟厚程迥元許衡姚樞姚燧
明曹端薛瑄閻禹錫王鴻儒許誥何瑋崔銑李承
恩王尙綱尤時熙魯邦彥孟化鯉呂坤楊東明楊
澗徐養相王以悟張信民賀仲軾呂維祺劉理順
王慕祥 國朝孫奇逢湯斌耿介張沐竇克勤張
伯行冉覲祖凡四十五人
又刊刻宋朱子熹白鹿洞規條及元程端禮讀書
分年日程於課齋

祥符縣志

卷十一 學校
書院

三

按大梁書院舊在西南隅日久傾圮道光五年巡
撫程祖洛移建於

行宮東隣路北卽今址同治九年巡撫李鶴年重修
遊梁書院

明

遊梁書院在城內西南隅本宋孟子祠萬曆三十一
年巡撫方大美重修并設書院崇貞十五年沒於
水

明方大美修祠設書院碑記云觀風之命攬轡中
原顧瞻嵩河之遺首蒞大梁喟然嘆曰此孟軻氏

遠應惠王幣聘之邦也庶幾哉仁義之風猶有存焉者乎又之衛賸淇水而興思曰洋洋乎此武公之毫而勤學詩人所爲賦淇澳也於前儒得邵伯雍焉爲之更飭其祠宇奕如也及之周南而遡瀍澗之流曰洋洋乎周公之所卜而定都者禾黍之嗟久矣千載而下有程伯淳兄弟者崛起以續孟氏之傳開道南之緒而今將安歸也無已於二先生祠加飭焉庶其有興乎之汝而思文王之化曰莪樸之遺教固在何譽髦之寥寥也之蔡而憶蔡仲之命曰遺迹誠在我哉於謝良佐見其去一矜

祥符縣志

卷十

學校書院

四

字焉今亡矣夫及之陳之宋則曰羲皇畫卦之迹遐哉邈矣後之言易者何紛紛也載考孔子絕糧伐木故處今儼然廟貌在焉豈不樹斯文之幟哉顧誰過而問之至是而巡歷所及車轍徧於中原之境矣乃還而稅駕於大梁焉以語於藩臬諸大夫曰世降道微聖賢不作樸散痛澆久矣向予觀於四境猶會省也今觀於會省亦猶四境也夷門豪俠遺韻尙存而仁義之風益渺矣如何挽而昭揭之諸大夫起而應曰觀風設教惟先生職端軌齊物惟先生能僕輩第受成事已耳惟所命之予

曰風俗之表倡在士人士人之興起在教化語云
立的以示之標射者期焉設鑪以鼓之鑄頑者化
焉樹標莫如崇賢善鑄莫如敬業孟氏仁義之學
士人之標的也倘惠徼聖賢之靈羣子弟而講習
之鑪冶之其中有頑金乎爲之柰何僉曰遊梁有
祠以祀孟子其規制故隘可撤而新也其學舍未
備可創而構也祠修則崇賢有義館備則敬業有
所崇賢以示之標敬業以鼓之鑄不亦可乎予曰
善哉乃捐貲三百餘金檄有司鳩工而葺之中爲
殿六楹仍祀孟夫子其上以萬章公孫丑諸弟子

祥符縣志

卷十一

學校
書院

聖

配前爲門題曰仁義之門又前爲門題曰遊梁祠
仍其舊也殿之北建講堂六楹扁曰性善其東西
各列號舍十八間以處諸生亦旣備矣然供億之
費無從出也於是諸大夫各捐贖羨買地若干頃
坐落祥符之某鄉歲收租銀若干貲之理問所支
給聽之守道循環報之本院著爲令甲至若督率
必簡師儒教育務得英士學術一尊孔孟諸大夫
均有師帥之寄不得諉焉吁嗟乎首善之地在省
會教化之任在官司學問之宗在聖賢性善仁義
之說固孟氏所以願學孔子而繼伏羲周文之統

者也士患舍此弗學耳誠學者如衛武切磨之功
毫而靡勑如兩程夫子之先識仁以誠敬存之殫
上蔡切問近思之力究康節內聖外王之學濟濟
彬彬入以表率乎鄉里出以楨幹乎邦家俾後之
觀風者曰中原古聖神名區今猶昔也猗歟休哉
予於諸大夫今日作人之舉不有榮施哉是所望
於諸來學者爰書之爲此祠記是役也首其事者
不佞大美贊其成者方伯易君登瀛袁君奎憲長
蔡君逢時大叅徐君卽登朱君思明憲副何君大
化梅君守和憲僉延君論泊開封府太守馮君盛
得並書云

皇清

順治十二年提學張天植知府朱之璠改建開封府
儒學明倫堂之後

康熙二十五年提學蔣伊重建於提學署之南并祀
先賢於講堂

祀亞聖孟子及宋周敦頤程顥程頤張載朱子熹
二十八年巡撫閻興邦改書院爲名撫祠另建書院
於府文廟北并祀先賢於講堂

祥符縣志

卷十一

學校
書院

巽

祀亞聖孟子以下十一人詳見碑記春秋兩祭又選孟

子後裔孟尙義尙禮給劄奉祠

閻興邦改建書院碑記云遊梁書院者所以祀孟子也孟子何以祀於梁以其始遊之地也始遊之地何以祀之蓋以孟子心契周孔之傳志切成康之盛欲以鎬豐伊洛之治復見之於梁也當戰國時燕齊秦楚之君競以功利相高此圖強兵彼誇富國於是儀秦髡衍之徒紛紜雜進抵掌華屋者下之取金玉錦繡上之亦不過引其君為齊桓晉文而止從未有望其君為堯舜之君望其民為堯舜之民者一自孟子遊梁而獨告梁王以仁義故於雪耻則教之以仁政於歲凶則教之以重農於沼上則教之以與民同樂耕桑樹藝是井田之本也庠序孝弟是學校之源也使梁王用其言得行其志安在唐虞三代之休風不再見於七雄爭勝之日哉然孟子之言終不見用於梁於是之齊之宋之薛之滕而孟子欲以仁義易梁之心則未嘗須臾忘也故孟子雖不見用於梁而梁之君臣父子無不聞仁義之言是以歷漢晉唐宋元明以至於今而梁之人所以不後其君不遺其親者皆孟

祥符縣志 卷十一 學校 書院 宅

子之一言有以維持漸摩於其間也粵稽歷代帝王其尊崇孟子者或修其祀典或隆其封爵或錫其土田或廕其苗裔斯云盛矣欲求其獨標正學之宗遠紹危微之緒

親灑宸翰誦颺休烈未有如我

皇上今日褒嘉之至者也嘗恭誦

御製廟碑之言曰述舜稱堯私淑孔子正學修明百世以俟又曰我讀其書曰仁曰義遺澤未湮聞風可企煌煌

天語不獨表彰先哲而其所以爲世道人心許者誠思

祥符縣志

卷十一

學校書院

巽

深而慮遠矣今使其生平所歷之境不爲之構其庭楹崇其禋祀不幾令大賢之遺澤泯滅不彰而後世之敦詩說禮者無所景從是亦守土者之責也浚儀昔有遊梁一祠始建於宋修於明萬歷間改爲遊梁書院迨崇貞壬午圯於水向之棖題堂構一望榛莽矣

皇清順治乙未始附於學宮室宇湫隘又不爲立主守祠蓋名存而實亡也余以佔畢儒生幸際

右文之朝歲戊辰奉

命撫綏兩河仰承

聖天子崇儒重道至意敬爲卜地於貢院之東北捐資
庀材鳩工重建大殿若干楹廊廡若干楹垣墉稱
是中祀孟子配以高弟樂正克而以公孫丑萬章
公都子屋廬連陳臻充虞諸賢從祀焉至於漢太
常趙岐宋龍圖閣學士宣公孫奭司空孔道輔明
刑部尙書錢唐此四君子者皆有功於孟子而不
愧古大臣之風者也例得並祀書院落成卽召此
邦秀良子弟肄業其中使之明性善之源達識知
能之本始悟孝親敬長之無事外求知養氣知言
之由於正學且使排筮捍闔之輩不敢橫恣詖行

祥符縣志

卷十一

學校
書院

四

邪說之徒於焉捫舌在國爲良臣在鄉爲善士於
以黼黻昇平贊襄盛治歷千百年而勿替則是孟
子一遊梁而人心以正王道以明不與大禹之導
河底洛同功萬世哉按孟子生於周烈王己酉歲
二月初二日卒於周赧王壬申歲十一月十五日
當以其日致祭於書院所以明崇德報功之意也
是爲記

馮泌改建書院碑記云按豫通志遊梁祠在祥符
縣治西南崇祀孟子自宋代始有明巡方御史方
公大其規模立學舍置學田聚生徒而講習之兼

爲養育人材地而標名遊梁書院云迨我

朝蓋三遷焉大梁當黃河旣灌之後開草萊而建學宮
郡守朱公僅於府學明倫堂後署曰遊梁書院存
其名爾已而學使蔣公特建遊梁書院於其署之
南而顏其堂曰闢利然地褊向幽於制未善也開
府閭公改建府文廟之北重門甬道堂廡巍然擬
諸文廟齋房廩給一倣方公之遺聚生徒肄業其
間而祀孟子於堂上以樂正以下諸子配享於是
遊梁書院制稱盡善矣視學御史張公題其事較
士案臨命爲之記愚惟古來聖賢豪傑或產於其

祥符縣志

卷十一 學校

五

地或遊於其鄉莫不有名勝之區以傳於後使人
嚮而弔之想見當年軼事以庶幾其爲人而動興
起之思孟子當紛紛言利之日獨持仁義以正天
下顧其遊梁爲生平出處第一事七篇開宗第一
章王方曰利開口卽以何必曰利折之所以杜其
言利之口攻其謀利之心使知利果不可以爲國
而爲國者並不可以利爲言然後可以與言仁義
也答問間可想見其巖巖氣象焉今建書院於此
奉以爲宗而俎豆之使夫人之由是門登是堂者
不覺潛消其交征之萌而興其不遺不後之良則

孟子之神化不儼然在乎其崇祀於梁也固宜且擬諸文廟而不以為過者文廟建之

朝廷達乎天下其為制尊故其為祀廣此則祀之者梁建之者開封其為祀專故其為制無嫌於侈方今天子巡幸吾豫御史公倘以是入告將裁自

睿慮者更有非常之舉於以光俎豆而興起人心又何如也夫如是則珥筆以記者當屬御史公矣

三十三年巡撫顧开布政使李國亮按察使胡介祉提學陳義暉糧驛道祖文明河道周銓開封府知府管竭忠各捐造齋舍三十餘楹又設斗級二名

祥符縣志

卷十一 學校

五

以備洒掃

是年恭懸

聖祖仁皇帝昌明仁義匾額於正殿

乾隆三年巡撫尹會一懸王道為昭匾額於講堂

四年糧驛道黃叔璥捐修正殿五楹東西廡各五楹及房舍門宇坊表墻垣并增祀先儒知縣張淑載又撥給河灘地畝五頃以供公費

時書院久未修葺多傾頽朽壞至是修之并增祀先儒韓愈又查給河岸馬家庄地方成字二區餘地四頃十三畝成字三區餘地八十六畝將所應

入穀麥分爲十股三股爲修葺祠宇之費府學教授存貯關縣備用七股給奉祀生爲歲時朔望藝香供祭諸費及奉祀生養贍之資奉祀生居東院其迤西齋舍悉歸生徒肄業奉祀生不得私自租賃以取餽直

尹會一重修書院碑記云自周衰洎乎戰國道喪文敝七雄爭彊異端蠡起維孟子以亞聖之才守先王之道揭仁義以覺天下倡自遊梁炳如日月此七篇所以託始開宗而百世而下大梁孟子書院之所由建也按志自宋建祠在城西南隅明改稱遊梁書院後圯於水大我

祥符縣志

卷十

學校書院

五

朝改建凡再易地康熙二十八年己巳巡撫閻公興邦廼建今院廟制綦嚴門廡悉稱咨取本貫嫡裔給劄奉祀越五年甲戌巡撫顧公沂復增齋舍聚師徒而講學焉是年秋欽奉

聖祖仁皇帝御書昌明仁義四字勝於堂仰

天章之煥爛繡至教之切深祀事孔明與天亡極固其所矣顧歲久滋玩漸卽傾頽會一奉

命撫豫登堂肅拜於心怵然藉監司黃君叔璫以道署密邇捐俸修葺旣還皆觀迺進黃君載鰲祀典祭

俾規制盡善嘉興沐之多士淬礪誦絃搏風耀影
以襄

皇治之盛是則余拭目以俟者耳

乾隆七年開封府知府朱繡道光二年布政使程
含章巡撫程祖洛並重修

朱繡重修二程祠記畧云吹臺之南舊有二程夫
子祠自宋元以來數遭兵燹明末復有洪水之患
滄桑遞變祠之創始廢興不可復詳我

朝康熙二十六年監司張公思明新之迄今歷五十
餘歲乾隆四年秋大雨水榭榭侈剝丹堊漶漫余

祥符縣志

卷十

學校
書院

五

適來守是邦越明年春行視農至祠下慨然久之
思所以謀復其故而滿目哀鴻有志未逮後三年
秋農事旣登乃捐俸飭材更新之落成於乾隆七
年十月之吉躬率吏士告虔於祠以畢余志嗚呼
明道伊川兩夫子接道統之真傳紹述前聖繼往
開來在天爲日星在地爲河嶽久已從祀

聖廡廟食滿天下區區專祠曷足爲先賢重雖然里巷
之中有一耆德碩彥之士人且見之而敬之憚之
而愛慕之於是乎恥不及之而爭相做法之况兩
程夫子接道統傳來學百世之下莫不興起者乎

吾知過其祠者賢者動景行之思不肖者生愧悔
之念其有補於世道人心於焉不淺前人建祠之
意其在是歟嘗考宋道學傳張橫渠擁皋比講學
京師聽從者翕然宗之一日二程至與之論易遂
徹坐輟講歎爲莫及舊有相傳講易遺址卽今建
祠處蓋賢者流風餘韻往往地以人傳彼杜少陵
李太白高達夫詩人耳且爲吹臺增色豈先賢講
易之處而可狃乎哉今建祠之由來旣不可考故
漫爲之說以俟後之博雅君子尊崇斯道者考訂
之而飾余之陋焉式廓之以廣余之志焉則余之

眷眷屬望者不虛矣是爲記

續

程含章修二程祠記云自孔孟沒歷千四百餘歲
而後河南程氏兩夫子乃生當聖道晦盲否塞反
覆沈錮之餘兩夫子互相師友獨能以大學爲宗
殫實功於格致誠正徵實用於修齊治平使夫言
道者知聖學之有真言治者知經世之有本六經
於是而明人心於是而正洵足以上接鄒魯之傳
下啟紫陽之緒其在聖門則顏曾冉閔之流亞也
雖春溫秋肅所造不同要之皆聖道之正宗學人
之標準也汴梁南門外國相寺後相傳爲兩夫子

讀書講道處後人就其地建立祠堂以祀志景也
祠設奉祀生舊有祀田久爲佃人隱沒祀祠堂傾
圯歷數十年敗瓦頽垣鞠爲茂草神牌朽蠹字跡
不可辨識每春秋二仲祥符令捐資往祭置神牌
於荒煙蔓草中鞠躬三拜而退噫陋哉道光二年
春余藩宣兩河親至其地瞻其遺址俯仰太息輒
歔歔流泣不能自止爰籌經費銀千二百兩付祥
符合蕭君元吉蕭君捐銀三百六十兩卽故址擴
而大之余并捐金三百發典商一分生息以供久
遠修祠之費地方官與奉祀生不得侵蝕工役未
興余適奉

祥符縣志

卷十一

學校
書院

空

命巡撫粵東調任山東越明年蕭君始以落成來告復
建祠堂五楹啟賢堂左右廡大門各三楹屏門二
楹井竈庖湔繚垣悉備而請余爲記余惟兩夫子
生不逢辰其道雖不顯于當時而振絕學于千載
之下讀遺書者猶如聞警欬况兩河學士大夫之
登斯堂者乎自此以後知必有私淑奮興以接兩
夫子之傳者用書修祠之本意以俟來者續
常茂徠修祠記云國家崇儒重道凡以爲化民成
俗計也故先聖先賢先儒代必脩明釋奠之禮卽

通都大邑曾爲當日寄跡之所亦必建祠宇隆祀
祀俾搢紳士庶知所則效識所尊崇君子以之立
身小人不致犯義此固國家右文之至意亦惟宮
其土者有攸責焉大梁會城南二里許吹臺側有
二程夫子祠蓋當日講易處也祠之肇造其來已
久考舊志有明成化二年巡撫李衍徙書院於斯
祀爾夫子於講堂爲二程書院卽舊大梁書院也
明季河水灌城此祠遂廢

國朝康熙十二年巡撫佟鳳彩改修書院於城內更
無間所爲夫子祠者康熙二十六年鹽驛道張思

明始卽故址重建易今名並以門人張繹謝良佐
等五十人從祀迄今百四十餘載久未修葺道光
元年春滇南程方伯含章旬宣中州謁其祠觀其
堂構摧敗垣墉傾圮慨然曰斯祠之修非異人任
也夫士君子修德立行賴鄉先生之澤不泯耳夫
子生長是邦講學斯地爲世名儒其爲鄉先生也
大矣周道衰孔子沒秦漢而降羣儒聚訟後復雜
以佛老人心日漓聖道日晦爾夫子生二千年後
力起而振興之攘異端闢僞學接孔孟不傳之法
使聖道復明於世沛若江河炳如日星其功詎不

偉歟今吾官斯土蒞斯民方期士敦詩書民習教化顧聽其祠湮沒於荒煙蔓草閒果誰之咎也爰捐俸金謀改建工未興公遷粵撫鬱鬱不忍去適新安程中丞祖洛下車與公同志迺襄其事鳩工庀材次第課功中爲殿三楹後爲啟賢堂三楹旁爲兩廡前爲大門繞以圍牆數月工竣古人有言曰上之所爲民之歸也又曰上之好者下必有甚焉者矣蓋民之從違惟視乎在上者之舉動今二公來官斯土首先此舉百餘年就廢之祠煥然改觀使士庶之衆知正誼明道之必不容泯咸思所以取法其於崇儒重道化民成俗豈淺鮮哉或曰二公俱夫子後斯舉也亦水源木本數典不忘之意殆淺之乎測二公矣

祥符縣志

卷十

學校
書院

奎

光緒二十年河南提學邵松年重建明道書院添脩學舍改二程書院爲明道書院自此始

邵松年重建明道書院碑記前明有書院在省城外東南二里繁臺左曰大梁中祀宋二程夫子崇禎年廢

國朝康熙十三年巡撫佟公鳳彩改建於城內二十六年鹽駙道張公思明卽其地建二程書院並增

祀程門弟子於兩廡乾隆七年道光二年知府朱公繡巡撫程公祖洛兩修之今祠在而書院竟廢光緒十九年余既於大梁書院設辨志齋調取各學諸生有學行者來肄業而地近城市出入喧囂非僻靜讀書所越年夏試竣旋省與大梁院長商城蔣仲仁前輩永城呂扉青觀察商咸謂城外二程祠書院舊址猶存若重建移諸生讀書其中地甚敞余親往履勘郊原空曠樹林陰翳且繁塔高峙尤可偶爾登臨以息焉游焉於是先倡集千金諸紳士俱各踴躍襄事遂卽祠前展拓增建講堂三楹齋屋十二楹剋日經營閱四旬而工竣因改題曰明道書院說者謂以兄統弟學者讀書其中溯伊洛之淵源勉聖賢之事業是也而余意猶未盡今夫道之在天下古今同也子曰道之不明也我知之矣又曰道其不行矣夫朱子曰由不明故不行慨自俗學相仍浸淫功利窮年矻矻枯畢徒勞道之不明也久矣矯其弊者又或病舉業爲空疏鄙制藝爲無用不研夫六經四子之精而專務遠紹旁搜以自矜博洽不探夫修齊治平之本而唯是談今論古以日誦經綸雖不同背道而馳均

彝山書院

皇清道光八年栗恭勤公毓美守郡時創建專爲童子
軍肄業之地書院坐城西南前後屋宇計九十一
間最前大門三間顏曰彝山書院院東建奎星
閣顏曰中天文躍自成豐三年粵匪圍城經費爲
守城挪用屋宇漸頽同治十一年春巡撫李鶴年
捐銀伍千金爲膏火資再捐千金修山長居宅前
開封府知府張瀛籌錢七百五十緡修齋房十一
間開封府知府英瑞籌錢六百緡增建考棚九間
器具咸備漸復舊觀光緒十六年祥符縣知縣黃
環重修

祥符縣志

卷十一 學校

六

栗毓美建修彝山書院記云豫介坤輿之中河嵩
秉靈往稱人材淵藪會城大梁書院爲甄治全豫
俊髦之區省屬舉貢生童胥萃處而講肄焉歲久
傾圮且湫隘過甚大中丞新安程公奏請移建
文昌宮右添葺住齋增廣膏火有差於是橫經者
日益衆每值漕試之期多士雲集齋舍不能容而
額取文章至無布席地又以所業攸殊赴課者遂
更寥寥余承乏開封念培養英才之道自成童始
廼借祥符令黔中劉君蔭棠議另建書院一所取

之賢知者之過也今夫高談元妙索隱探微不以見道之實際也株守一編小廉曲謹不足以見道之妙用也昔子程子傳道統特表章中庸一部爲明道之書中庸引夫子之言曰道不遠人又曰忠恕違道不遠又曰君子之道四莫能一也又曰言顧行行顧言君子胡不慥慥爾然則忠者道之體也恕者道之用也子臣弟友求道之大端也言行盡道之實功也必也明夫忠恕以立道之本明夫事父事君事兄交朋友之道以達道之用明夫庸德之行庸言之謹以峻道之防夫而後天命

之性率性之道修道之教可得而明焉夫而後戒懼慎獨中和位育之道可得而明焉格致者格致此道也博約者博約此道也省察克治存養者省察此道克治此道存養此道也子程子所以表章中庸亦卽此道也此道明而基之在倫常日用之間達之於天下國家之大慎之於語默動靜之際極之爲參贊化育之功惟明故誠惟誠乃益明善夫文潞公題純公墓曰明道而正公敘之曰先生生乎千四百年之後得不傳之學於遺經以興起斯文爲已任辨異端闢邪說使聖人之道煥然復

名葬山撥文童肄業其中以專教課其未建以前
暫假覈學棧止請於大府報曰可相率捐廉爲倡
闔屬僚友與紳耆之好義者咸源源樂輸屬劉君
綜理其事擇地諏吉鳩工庀材經始戊子年冬月
越己丑小春歲事師生脩脯廩餼之需亦歲出俸
錢支給並賡續籌備經費發典生息爲經久計長
白存君業嗣綰郡符昆陵鄒君鳴鶴調祥符任又
相繼添建齋舍捐增經費凡前此所未逮者靡弗
規畫詳盡事旣竣余以創建顛末新定名額章程
暨董事者之勞不可以或沒且策後之官斯土者

祥符縣志

卷十一 學校

書院

奎

之踵成其美也勒諸石而爲之記曰古者學校之
設有大學以育成材有小學以迪童蒙循序程功
無或躐等以進是以其業專而精其教不肅而成
國家棧樸作人京師旣立成均自省會下遠郡邑皆
葺書院以蒸陶髦秀德甚厚至於推闡教澤區所
部之成人小子使之樂羣敬業而不相淆則有司
責也今旣締造講舍俾諸生肄習有所而其所以
爲學之方則尤不可以不講夫人於什伯庸衆之
中翹然而命之爲士皆於所學判焉而學莫先於
立志自古師儒之望公輔之器方其爲童子時識

明於世其以此夫然則學者有志於道亦惟以明善誠身以求所以順親信友獲上治民之道則所以溯伊洛之淵源勉聖賢之事業者於是乎在余既喜書院之有成因著所以改題明道之意與子程子所以傳道之旨以爲之記且以質當世君子之有志斯道者是役也董修者爲永城候選道呂君永輝邑紳前山西大同縣知縣許君貞元襄事則前永城訓導鄭君孚先監工則候選主簿三君書雲例得備書

國朝河南巡撫劉樹堂重修三祠碑記自辟廳頰宮之

制立而學校以興古者天子諸侯以上丁釋奠於先聖先師大昕鼓徵儒官講學三老率胄子世子及國之俊士選士園橋觀聽文教之昌徧於列侯蓋崇先烈於罔替者凡以嘉後學於無窮也

國朝崇儒重道超越前代省府州縣皆有學宮以祀至聖先師孔子四配十哲及諸儒先至書院尤學校遺義更以造就士林振興文教如鶯湖鹿洞嶽麓鍾山皆祀典之經奏定者益信崇先烈卽以嘉後學守土者所急當舉行者也豫省繁塔寺前舊有大梁書院康熙中改造爲二程書院祀明道伊

川兩先生並設講堂爲諸生肄業之所有曰褒忠
祠者在省城南薰門外有曰名撫祠者在縣治西
南明季二祠皆沒於水

國朝康熙時重新名撫祠於學道署南褒忠祠尙未興
修光緒六年庚辰六安涂公撫是邦更葺二程書
院易其額曰明道而移褒忠名撫二祠於其西內
增報功祠自勝朝以來此官是土之有功德於民
者以次崇祀其所以守先而待後均於所製碑文
見之今又十六年於茲矣使者巡撫是邦展謁三
祠並明道書院時湘南黃驛軒先生主講是席謂

祥符縣志

卷十一

學校

奕

祠宇又將就圯以修葺請議於祠東廡署曰孝廉
堂西廡署曰蓬瀛館以居鄉人之登甲乙第者使
爲諸生倡今合三祠與書院而一之蓋猶前賢移
置之意亦將以崇先烈者嘉後學歟

國朝文運宏開名臣碩儒輝映踵接有守土之責者皆
將章志貞教以迨辟靡類宮之盛今先生先得我
心是尤樂觀厥成乃急爲籌款檄黃令弼臣董斯
役肇修於丙申九月閱五浹旬而工竣尤願後之
撫是邦抗是席者尋規建之故碑與重葺之微意
永爲守先待後以綿綿於無替因述其緣起爲記

者已決其然無佗志先定耳且

朝廷所以養士將使讀聖賢書志古人之志事古人之事經明行修蔚爲茂材魁艾備異日干城腹心之任其引掖而屬望之者甚大且遠雖然志不可域於小就而學則必期於漸進夫上達之業緣下學以爲階天下無不可學而成要不可一蹴而至鼓其英銳之氣則勇於圖功斂其虛憍之心則精於謀理舉古籍載道之文章而習焉相與優游磨飶講明而切究之躬行實踐本心得以發爲文辭則其人已侔乎遠矣又安在今之不古若耶中州

祥符縣志

卷十

學校書院

矣

名臣鉅儒項背相望昔賈太傅建治安策年甫十八程伊川先生著顏子所好何學論亦方十八厥後德業經猷爲古今第一流人物諸生英年邁往景仰前徽勿馳騫以隳始基勿捷取以徼速成服古通經爲明體達用之學其志旣卓其所造正未可量出則

廊廟之積處則儒林之表用副

聖天子敦學甄英茂典鄉先生之遺風將於一室兩河問遇之余亦深慶人材之盛而樂觀厥成也矣鄉鳴鶴增修彝山書院碑記云彝山之麓東控淮

徐北連趙魏西有成臯洛陽之固南撫汝鄧陳蔡之疆大氣磅礴鬱積於天地之中宜有狂簡之士其立言行事與聖人之道相發明者生於其域自子輿氏遊梁而後二程子復表彰其道於崇山大河間士之薰其德而善良指不勝屈他若信陵之豪俠鄒枚之詞藻則猶其術之偏勝者也夫欲造人才先崇正學而欲崇正學首在童蒙豫中之應童子試者舊與博士弟子員共課於大梁講舍非特人浮於地且父携其子兄絜其弟尤不免假手之嫌前河帥粟恭勤公典郡時別建彝山書院於城之西偏爲童子軍肄業之所其捐輸之數工作之資脯修膏火之條督責課程之例俱見於恭勤碑記及故府官牘矣迨道光辛丑河決祥符之張灣水圍汴城四隅滲漏之入城中者積地至三尺許書院適當其衝牆屋半頽於行潦越明年河復故道余時奉

恩命守開封乃首出俸金二百爲倡復謀於合郡紳耆

撥善後局捐項銀二千四百兩因舊址新之復於院之東購地二畝許立講堂奎星閣并建考棚二十餘間設課時可以扁試除鎗代抄襲之弊以

拔擢真才於是書院之規模粗脩經始於壬寅之仲夏中浣落成於十月朔日因書其事於石嘗以爲三代以下黨庠術序之制廢而書院興庠序之教專統於官吏書院之教兼統於師儒官吏與學者疏僅於簿書錢穀之餘偶試其優劣師儒與學者親可於几席丹鉛之下時按其功修然則主講席者果得其人官復從而時考之月驗之使羣萃州處收相觀而善之益以視黨庠術序有過之無不及也余不敏從恭勤後來守是邦深恐無學爲諸生表率幸主教者爲宛平史孝廉叔平勤於訓

廸就其質之淺深爲課之同異必各盡其所能而後止士亦靡然從風未一年而文章詞賦皆秩然有軌範乃擇其尤刊而行之使才之旣優者有所鼓舞以純其業且使才之未逮者亦有所激厲以底於成焉余惟願由是而沉酣經術培養根柢以擴其識以拓其才以探嶧山心源以承明道伊川正軌一其學於中和醇茂毋習於偏勝者之所爲則此時匡居坐誦之英即他日楨幹鹽梅之選吾知必有磊落英多者起而輔

天子清和咸理之化以不負河山之雄秀者諸生其勉

之哉余於茲有厚望焉矣維時監院祥符縣儒學
教諭王懷玉監工者候補知縣袁繼長李樹穀詹
秉銳董事開封府學廩生宋繼郊祥符縣學附生
王彬彥例得備書

史致昌改建奎星樓記壬寅秋增建彝山書院於
巽位建閣祀 奎星閣居大門之右高僅丈許議
者以爲湫隘不足煥文明請更之而力未之逮也
歲甲辰家洵侯刺史任祥符邑宰出俸錢一百四
十五千購鄰地長二十九丈寬四丈許復出俸銀
一百兩爲修費於是各當事從而助之先後共得

祥符縣志

卷十一

學校
書院

奎

銀九百兩錢九十千爰鳩工庀材於乙巳十月興
築改建奎星閣爲三層高三丈許增圍牆三十八
丈丙午二月增學舍十四楹將次落成所費猶不
足昌自出修脯百金足成之計主講七年前後增
修者除學舍四十五楹外有閣有山有亭有池有
樹有泉有橋有園煥然者文昌燦列也巖然者奇
石環抱也翼然者亭湛然者池樹木蔭翳泉聲清
越橋橫則流水環門園開則葵花滿徑諸生習業
於斯得毋怡然曠然相與切磋琢磨日新月異欣
嵩洛之秀昭棫樸之盛乎時司其事者爲國子監

典簿職銜路青雲東河候補主簿高峻德直隸候補縣丞徐應辰附生李光峯崔家篤童生王三山例得備書

社學

附

明

本縣設社學凡五區東社學在大店街北中社學在館驛街大路北西社學在縣學西皮局西關社學共二處一在蔡市南黃家堂前一在金梁橋南王伯成衛衛

以上社學俱係成化二年設失考建置之人

祥符縣志

卷七

學校

七

義學一區在大梁門外丁字街路北係萬曆三十四年設副使李貴和建置

宗學一區在鼓樓前聚宗生教之皆係周王府宗室子弟

皇清

順治九年令每鄉各置社學一區

雍正元年令州縣於大鄉巨堡置設學一區

本縣舊設社學凡十九區在城者六一在大甯坊一在新昌坊一在安業坊一在宣平坊一在雲驥橋一在建隆廂在鄉者十三一在八角保一在永安

保一在東和保一在西和保一在窪務保一在關
店保一在赤倉保一在時和保一在長店保一在
南毛保一在北毛保一在南神壩保一在毋寺保
以上社學 國初沿舊相設失考建置之人及建
置之年後漸廢

本縣設社學又一區在城西南崖集孔子回車處亦
失考建置之人及建置之年

本縣設社學又二區一在朱仙鎮一在陳橋鎮乾隆
二年巡撫尹會一檄行知縣張淑載建設

又社學之外有社會之法巡撫尹會一檄行凡府

祥符縣志

卷上 建置
社學

州縣學各立社長用仁義禮智信五字於東西南
北中立爲五社社分上下每社選端謹公直生員
二人爲長約計大小中學文武生員多者以四百
名爲率每社酌村舍毗連居址相近者一社酌隸
八十人上下社各糾其半社長之下又設齋長分
隸之學師置勸善規過循環印簿四本循來環去
分發上下社長每簿紙四十頁簽標某社上下勸
規簿首行開列社長姓名以下開列齋長衆生姓
名稱後大書善過條款再後寫各姓名人各一頁
填註虞增附武字樣除善過不形無可短長外善

則朱書詳記過則墨筆直書每季月底齋長送社長社長呈送學師學師於下季月首十日內傳集諸生於明倫堂升公座唱名有善則社長齋長率領列坐左右有過則站立堂下別置優劣二簿善則登記優簿以備詳舉小善則敬禮之小過則面責令改如能改下界勸懲時削去過目三合不改罰跪讀卧碑大過則登記劣簿以備申黜其有無故不到者卽入犯約條內記過每年年底學師分別核明一呈提學一呈巡撫以定優劣至社長或偏徇不公善過混淆者斥退另選仍入劣簿以三年

爲期老病請休者聽如三年內能教導諸生善多過少及有善無過者學師會同牧令據實詳請以鄉飲饌介榮之如學師視爲具友不實力奉行者叅處其外邑府學諸生卽隸於本學一體糾察如各社童子有能背誦小學孝經及恂恂循謹者許社長齋長領叅學師試文清順籍記府縣考試薦列前茅其舉人貢監願入社者俱聽之

按昔人因社立學此因學立社乃變通之道也知縣張淑載復申議四條一曰規勸之道令隨時修省一曰期會之法各輪轉分管一曰責牧令督勤

察情以收實效一曰戒社生指過造謗以息偷風
後又申議四條一曰善過簿宜畫一一曰課程法
宜稽考一曰釀錢以聯洽比一曰置田以垂永久
現在舉行

知縣張淑載議置社田垂久之法因查河灘餘地
撥給南岍歲字號坐落馬家庄西北新河套內東
西畝壹段計壹頃伍拾伍畝又壹段計伍頃叁拾
畝又壹段計壹頃肆拾畝又壹段計柒拾伍畝又
南岍律字號坐落馬家庄西北新河套內東西畝
壹段計兩頃共計壹拾壹頃招佃輪租歲收所入

以供五社每會飯食之費爲永久計云